

مسلك اجتماعى

علم اجتماعى لمعميم ومسايل اجتماعيه مزه نطبيو ابره .

علم اجتماع مسلك اجتماعى به مركز خلفت اولدينى
كې مسلك ده نوركيه نك اك وجدائى اولاد لرينه
بر مركز استناد !

[صباح الدين بك ، مسلك اجتماعى وپروگرامى .]

مدير وپاصه محرر : محمد على

برنجى سنه — • ننجى جزه

اصلاحات احتياجى

مسلك اجتماعى مؤسسه سى طرفندن آمريقا تحقيق هيئته

ويرين مخطرہ

قابليت اجتماعيه ني آرتير مق يولنده

بر كنك تجربه رى

(۱ . انكلتره ده اولك اوچ آي)

استانبول

مسلك اجتماعى مؤسسه علميه سى

غلطه ، رومان خانى ، ايكنجى قات .

هلال مطبعه سى

اصلاحات احتیاجی

زده اصلاحات حرکتك صورت ظهوری آر اشدیریلیرسه عثمانلی دولتلك تأسسی تعقیب ایدن حیات سیاسیة بحرانیه علاقه دار اولدینی کوردولور. بو اصلاحات، عسکری بر ماهیتده بلیرمش اولغله برابر نه دور استیلا تأسیساتك تکملنی تأمینه چالیشان بر حرکت حالتده ایدی، نه ده بونك برینه قائم اوله جق یکی بر تشکیلاتك انکشافی دیمکدی.

اصلاحات مساعیسی اصول موضوعه نك محافظه و احیایی محوری اطرافنده دونیوردی. عثمانلی دولته وجود و برن تشکیلاتك اساسی صاحب ارض، و د اهل سیف، و اوحاق لردن مرکب بر زمانمدار صنفدر [۱] دور استیلا نك محصولی اولان تأسیساتك یا شایه مه می — بعض عارضی اسباب نتیجه سی ظن ایدلدیکی ایچین — ایلك اصلاحاتخیلر بو تشکیلاتی یکی باشند تأسیس ایلك ایستینلردن ترکب ایدیوردی. بو حرکت بوتون وضوحیه کوچی بك لایحه سندمه مطالعه ایدبله بیلیر.

تشکیلات مندرسه بی احیا امکانسنزانی و آوروپا ایله تماسك آرتمه سی اصلاحات حرکتك (عضوی اصولی تبدیل و تغییر) شکلی و یردی؛ و بویله جه ظاهر آ یکی بر دور اصلاحات آجلدی. فقط یکی اصلاحاتخیلرده اسکیلری کی دولت آدملری ایدی؛ قوللاندقلمری واسطه ده اسکیس کی بودجه، بو بودجه ایله بسلنن برزمره و واسع مقیاسده قانون نقل و اصدارندن عبارت

[۱] مسلك اجتماعی مجموعه سی، عثمانلی استیلاسی ناسل حاضرلندی، استیلا نك

ماهیت اجتماعیه سی، صیفه ۲۱ - ۳۶.

بوليووردى . [۱] آتقى دولتك غعنوى تشكىلات عسكرىه سنى احيا ايله
اعاده قوتى برينه تقليد ايدىلن ادارى برتشكىلاتله اعاده اعتبارىنى هدف اتخاذا
ايدىيورلردى . ايلك اصلاحاتىچىلر بقاى عسكرى برزمادار صنفك موجوديتده
كورمىشلردى . يكي اصلاحاتىچىلر مامورلردن مركب برزمادار صنف احداثى
مقصدىنى بيلهرك بيلميهرك تعقيب ايتدىلر .

حكومتى تنظيم ايله اوغراشلىدىنى صرمدى كوكارى حكومت خارچنده
بولان قوتلرله قارشى قارشى به كله مك قابل دكلدى . مثلا غعننه برستلك
اداره و تشكىلاتده بايله حق تجددى مقاومت ايدنلرله بر نقطه اسفناد و بر يور ؛
قدرت استحصالده كى ضعف بودجهنى توسيعه انكل اوليوردى . دولت
آدملرينك بر يادن غريك تضيقنى دها زياده حس ايتمكه باشلامىسى ،
ديكر جهتدن حكومتى تنظيمده كى مجزىلرنى آكلامسى ، تبديل و تغير ،
دستورينك حدودىنى كنىشلتندى . غربىلاشمق ، آوروپالىلاشمق ، عصرىلاشمك
كى شموللى بر تجدد دىلانى حاصل اولدى . فقط بونكله اصلاحات حر كتنك
استقامت اجتماعىه سى دكشمش اولدى .

اصلاحات حر كتنك شو قيصة تاريخچه سى ده كوسترييور : دور استيلا
ايله طوغان تشكىلات سياسيه متوازن ، ترقى قابليتى حازر بر حكومت جهازى
وجوده كتيرمه يوردى . اوچ عصر در بوموازنه نى تاسيسه اوغراشان اصلاحات
حر كتنك و يردىكى نتيجه ايسه دولتك تخليصى و حكومتك اصلاحي حر كتى
ايچين دولت آدمرينك قوللانه بيله چكى وسايطك عدم كفايتى تظاهر ايتدىردى .
شو كفايتسزلىكى (عام اجتماع) دلالتيله ايفاضه موقق اولان (مسلك
اجتماعى) اصلاحات حر كتنه حقيقى بر ترقى تامم ايلور . چونكه عام
اجتماع سايه سنده هم اصلاحات احتياجى توليد ايدن اسبابى ، همده بواحتياجى
تطمين ايدىدك تدابيرى ايجاب ايدن وضوحله تحليل و تعمين ايتمك ممكن

[۱] صباح الدين بك ، مسلك اجتماعى و برغراى ، حيات عموميه اصلاحاتى .

اولمقدمه در . فی الحقیقه آرتق اصلاحاتده علمی بر اساسه طوونمق لزومی
انکار ایدله یور . فقط مسلك اجتماعى بولزومی ساده جه تسلیم ایله قالمیه رق
علمك وتطبیقاتك وبردیكى ویره چكى عملی حقیقتلره تملك ایتك وبونلری
حیاته قلب ایتك یولنده یورو یور . بناءً علیه دنمه وسندله دورمه سندن
کیتدیكى یولی طانیهرق ایله ایتك امکاتى ویرمن بردوره به کچمش اولیورز .



دولت آدملى طرفندن دریش ایدیلهرك تعقیب اولسان اصلاحات
ناصل براحتیاجدن متولدایدی ؟ بواحتیاج سیاسى برلسانله (دولتك قدرت
وموجودیتى محافظه) در . او حالده بو موجودیتك ماهیت اجتماعیه سنى
کوزاوکنه کتیرمك لازم : موجودیت سیاسیه داخلاً برزمره تغلبه وخارجاًده
عسکرى برتحکمه دایانیور . بونی کورمکه عثمانلى سلطنتنه تاند برخصوصیتى
فرق ایتش اولیورز . فردك عائله، کوی، بلده ، قبیله وعشیرت جماعتلریله
چرچولندیكى خلاصه استقلال فردیتك مفقود اولدینی و (کوشك برسی،
موضی بر معیشت له بطى نقلیات) ك حکم سوردیكى منطقه لرده بویوك
سلطنتلره وجود ویرمن وحدت سیاسیه دائماً بواساسلره استناد ایتش وایتمکده
بولنمشدر .

بناءً علیه بوندن اوج عصر اول تورکیه نك دولتی زمره سی طرفندن
حسن ایدیلن اصلاحات احتیاجی بوزمره نك داخلی وخارجی رقابت عسکریه ده
قازاندینی ظفری ادامه ایتك احتیاجی ایدی . اصلاحات اصول عقیقه نك
محافظه واحیاسی محوری اطرافده دونیورسه بو حال او اصولك شو ایکی
رقابتده قازانیلان موفقیتلره تشكىل ایتش اولمسندن ایلری کایوردی .
دولتی زمره نك وآسایش سزلكك معارفی اوده یمن واضطراباتى چکن
مستحصل خلقك طویدینی کسکین احتیاج ایسه امنیت جان و محفوظیت
عرض وناموس ومال (۱) ، دائره سنده قایوردی . بوندن طولانی

اصلاحات احتیاجتک مرکز ثقلی فعلاً حیات عمومی [۱] ده ایدی .

ایلك اصلاحاتیلك هدفی اولان (صاحب ارض و اهل سیف زمامدار صنفك محافظه موجودتی و احیائی) اساسی وقایعك جریانی تأیید ایتمه یوره ؛ بالعکس حیات سیاسیة بحرانی بویله بر صنفی تمکدن یقوب کوتورن بر جریان تعقیب ایدیوردی . بوندن دولایی نه (دوراستیلانك قدرت و رفاهنی تولید ایدن تشکیلات) ی تکرار وجوده کتیرمک ایچین مرکزده زمان زمان اویانان حرکت ؛ نده بوتشکیلات یرینه تدریجاً قائم اولان (پاشالر اداره سی مرکزیتی) و نده بومذهب و ازینجی اداره نك محلی برر حکومت ماهیت ظاهر یه سی آلتنده ظهورینه میدان و بر دیک (اعیان اداره سی) حیات عمومی بحرانه بر چاره حل بوله مدن [۲] آوروپا عالمنده وقوعه کلن بویوک تحولاتك موجهلری همانلی سلطنتك حدود عسکر یسنی آشفته باشلامشدی .

..

عالمده افرادی جمعیتلر [۳] ك انکشافندن تولد ایدن یکی شرائطه دائرة نفوذینی توسیع ایتکده ایدی . بویوک بریتانیاده کی آنغلو - ساقسون جمعیتك تکاملی اولا زراعتی ، صوکره صنعتی و تجارتی امثالی نامشهور بر انکشافه مظهر ایدرک بویوک زراعت ، بویوک صنعت و بویوک ثقلیات ایله اصول سی انقلابه اوضراتمش و تشکل انفرادینك انتشار قدرتی آرتیرمشدی . بحر محیطلر ماوراسنده شمالی آمریکا ، اوسترالیا ، یکی زملاند ، جنوبی آفریقا کی یکی عالملر احداثیه یورون تشکل انفرادی ، طوغریدن طوغریه و یا خود هم جوار اولق اعتباریله یاقیندن نفوذی آلتنده

[۱] حیات عمومی و حیات خصوصیة تعبیرلرله قصد ایدیلن معنایی ایکینجی جزئده کی (فهرست اجتماعی) لوحه سی ایضاح ایدر .

[۲] عثمانلی تاریخنك علم اجتماعله ایضاحی تدقیقنك نشر ایدیله جك فصللر نده تاریخمیزک بو ادواری تشریح ایدیله جکدر .

[۳] مسلک اجتماعی مجموعه سنك ایکینجی جزئده کی (۵۹-۶۱ نینجی صفحه) لوحه انفرادی جمعیتلری تصنیف اجتماعیده کی موقعلری صره سیله ارائه ایدر .

بوتان غربی و وسطی آوروپانك ده ایش حیاتی تحول سوق ایدیور. جنوبی و شرقی آوروپا به قدر بوتانیات پاییلوردی. آوروپا دولتریك سیاسی تکاملی ایش حیاتنك قوت و سرعت پیدا ایدن تکاملی اوکنه قاتیلدی، جهانك مناطق ساثره سی ده آوروپانك و تولید ایتدیکی یکی عالم لرك سیاسی و اقتصادی جریانلرینه معروض قالدی. اقتصادی جریان مملکتلر آره سنده کی عسکری حائللری یاره رق سریع و سائط نقلیه ایله قره دن و دکزدن مقشبث افرادی، فضله سرمایه بی، چوغلان محصولات و مصنوعات اوزمانه قدر (کوشك برسیك، محلی معیشتك و بطی نقلیاتك) حکم سوردیکی مناطقه صوقوب یرلشدیریور. چونک بو شرائط استقلال فردی اوزرینه مؤسس و بنا علیه قدرت استحصالیه و تنظیمیه نك متزاید انکشافه مساعد جمعیتلرک نفوذ و فعالیتلرینه جهانی آچور. فردی، جماعت قیودی ایچنده، عاقل بولندیران جمعیتلر ایسه باعالمك یکی فعالیت شرائطنه اویه جق و یا محنه رقابتده زبون اوله جق! موجودیت سیاسی نك جبراً محافظه سی طرز قدیمه مراجعت ایچین بيله انکشاف اقتصادینك و ترقیات صناعیه نك احضار ایتدیکی و سائطله مجهز اولغه لزوم وار! [۱]

اصلاحات حرکتی تنظیمات مرکزی واسطه سبيله عثمانلی سلطنتك تحلیصی شکلی آلدینی زمان عالمك شو تحولاتی قارشیدنده بولسوردق.

سلطنتك تصاحب ایتدیکی مناطق مختلفه خلقی ایش حیاتنده چرچوبه لین - و بنا علیه فعالیتی یکی احتیاجه کوره تنظیم ایتك سایه سنده موقعی محافظه و تقویه ایدم بيله جك اولان - برزمامدار صنفه موجودیت سیاسی مز استناد ایتیه یوردی. اوزمانه قدر کیرلی قالان اجتماعی ضعفك نتایجی آرتق کوزلر مز چار بیلدر: عالمده کی رولز تماماً تأثیرات خارجیه آلتنه دوشدی. وحدت عسکریه به دایانان وحدت ملکیه مختل اوله رق افتراق و اقسام میلانلریله

[۱] شایان دقتدرکه حرب عمومی عسکرلکجه الک مجهز اولان ملت طرفندن دکل الک فضله قدرت تنظیمیه به مالک اولان ملت طرفندن قازاندی.

سلطنتك دائره نفوذى دارالدى و دارالمقدمه دوام ايدىيور . بوضورتله موجوديت سياسيه من بحرانى الك و خيم شكلى آلى ؛ حيات عموميه بحرانى بردوام .. فضله اوله رق ايش حياتنده ، عائله ده ، تربيه ده اخلاق واعتقاد يكي يكي بحرانلر يعنى صرف اغتشاشدن و حريدن متولد قديم بحرانلردن دهادرين تاثيرى حائر بحرانلر ظهور ايتش بولنيور . [۱] چونكه كيتديجه احاطه و نفوذينه معروض قالد يغمز شرائط حياتيه ايش حياتنده ، عائله ده جوار مناسب اتنده فردى چرچيوه لين (جماعت) لرى انفصاحه اوغراتيور . صوك عصره قدر حيات عموميه ده كي تغلب مجادلاتدن متولد قارغشه لقلرله ازمكده و بوكا حيات خصوصيه نك متزلزل استقراريله مقاومت ايتكمده ايدك . حال بوكه حيات خصوصيه من آشكيلانى ، اساسندن ، ييقيليور . [۲]

اصلاحات لژومى يالكز حكومت ايچين دكل ، ايش حياتى ، تربيه و عايله ايچين ده تحق ايتكمده در . بوضورتله اصلاحات احتياجك مركز تقاتى حيات عموميه ساحه سندن حيات خصوصيه زمينه انتقال ايتش بولنيور .

..

هيئت مأمورين ، بودجه و قانون كى وسائط عموميه ايله اجرا ايتكمه چاليدى قمع تنظيمات - حيات عموميه نك احتياج لرينه جواب و برمه دكدن باشقه - حيات خصوصيه ده تحقق ايدن وايدك احتياج لرى ده قطعيا نطمين ايدم من . چونكه :

حيات عموميه نك تنظيمى و حيات اقتصاديه نك انكشافى صرف وسائط عموميه ايله الده ايتكمه اوغراشمق (مركزيت) ى توسيعدن باشقه بر نتيجه و بر من . بويوله اوغراشانلرك مملكتى تخلص و تعالى ي تامين خصوصنده حسن نيتلى نه قدر بويوك و عزملرى نه قدر قوى اولور سه اولسون قوانين اجتماعيه نك جريأتى تبديلدن شبهه سز عاجزدر . ترقى اجتماعى بو واسطه لرله

[۱] مسلك اجتماعى مجموعه سى ، ايكنجى جزء ، دور بحران فاصل قاپانمايلير .

[۲] مسلك اجتماعى مجموعه سى ، دردنچى جزء ، استقلال مى فاصل تأسيس اوله بيلير .

الده ایدیه میور . جبری و صنی بر طرزده وجوده کنتریلان اقتصادی ترقیات ایسه نه پایدردر ونهده داخلی حضوری و خارجی امنیتی تأسیسه کافیدر . روسیهده کورولدیکی کبی انفساخ اجتماعی به سبب اولهرق ترقی امکاتی اساسندن تخریب ایدبور .

ترقیات مادیه و حتی فکریه لرینه رغماً داخلی اعتشاشلر و خارجی تضییق ایله کوچن جمعیتلر تاریخک هر دورده سنده کورولور . رقابت و تضییق ایله بشریت حاضره نك تکاملنه حاکم اولان الك متین واک رفاهه مظهر جمعیتلرده ایسه « ترقی » اجتماعی واکا مربوط اولهرق انکشاف اقتصادینک منتظم و متمادی بر جریان مظهرتی حیات خصوصیه نك حیات عمومی به قارشی استحصال ایتدیکی مسعود تفوقدن طوغوبور ، یعنی فردک عالمده ، ایش باشنده مصالح محلیه نك اداره سنده مختاریتی واسع ؛ قوه مرکزیه و سیاسیه نك دائره فعالیتی محدود . ترقی اجتماعی بوقانون معظمنه اویقمقسرین سعادت و خلاصه استحقاق کسب ایتکه امکان یوقدر !

حیات خصوصیهده فردک مختاریتی و تثبیت شخصی بی انکشاف ایتدیمرک ابجین ایش حیاسنده موقع صاحبی اولانلر طرفندن - یعنی حکومت خارجنده و حکومت و سائطی قولانمایه حاجت قالمقسرین - سوق ایدیهلرک بر اصلاحات حرکتیه قطعی لزوم وار .

جمعیت مزده فردک موقعی یوکسه لته رک ترقیات اجتماعی مزه تأمین ایده جک ؛ متین بر اقتصادی انکشافک ، متوازن بر اداره و سیاستک تمللرینی قوره جق یکنانه حرکت بودر .

اداره بی احتیاجات محلیه به کوره تنظیمدن باشلا بهرق حیات عمومی اصلاحاتی حقیقی بر عدم مرکزیت استقامتنه [۱] ارجاع ایله ترقی اجتماعی بی تسهیل ایده بیله جک رجال سیاسیه و اداره مرکز مساعد سنده موفق اولمی .

[۱] صباح الدین بک ، تورکیه ناصل قورتاریله بیلیر ؟ مسلک اجتماعی و پروغرامی حیات عمومی به اصلاحاتنده تعقیبی لازم کلن استقامتلر .

ايچين لازم كان نقطه استاده انجق حيات خصوصيه ده كي بويله بر اصلاحات
حر كند.

صلاح عمومى يي دائما رسمى بر الك قدر تندن بكليهرك وصلاحك تحق
ايدميشنى دائما او الك مهارتسزلكنه عطف ايدمرك و سائط خصوصيه نك
قدرت و قوتى ادرا كدن و بشرى مرقمك اسباب تفوقى تميزدن عاجز
قلمش اولان تاريخى و عاقل ذهني ، تشبثات خصوصيه ايله سوق و اداره
ايديله يله جك بر اصلاحات حر كتنى ، فرضى و خيالى عدايدمرك . حال بو كه توجه
ايديله جك هدف هيچده نظرى و خيالى دكل !

محيط خارجيك بوتون مناسبيله توركيه محيط اجتماعيسنه اجرا ايتديكي
تضييق ؛ ايش حياستده ، تربيه ده ، طائله ده و حيات عموميه ده تولد ايدن
بحرانلر واضطرابلر بزي استراسته مز بونجات بولنده يورومكه سوق ايدبور .
ايش حياستده حائر اولدقلى موقع اعتباريله اسكى تشكلدن يكي تشكله
ضوغلرولان - بولك دونم برنده بيلميه رك بولنانلرله بويكى يوله چويريلوب
يورويه جكلر محيط اجتماعي مزك محتاج اولدينى مسعوداستحاله يي تا مين ايدميه جك
قيمتدار بر عنصر تشكيل ايدبور . فقط بومهم زمردنك ترقى به رهبر اوله
بيلمسى ايچين بر شرط وار ! ايش حياتى اركاننك موقعلرندمكى اهميتى و بو
موقعك كنديلرينه تحمیل ايتديكى مسئوليتى قاورامه سى ، محيط منور مزده
ايشه و فمالته طوغرو اويانان اضطرارى و غير اختيارى حر كتنك ارادى
بر حر كتن حالته انتقالى الزم .

هزيمت و نجات آراستده بوجالايان بواليم وضعيتده قلميه و بز اشتراك
ايمسه كده ايلريه مكدن كرى طور ميه جق اولان عالمك تسكامليله - بو يوروميه يى
محكومنز ؛ بوقسه وضعيتى ترقى اجتماعي يي احضار ايدميه جك شرائط و عناصر له
تحويل ايدميه جك عملى تدبيرلر وار ميدر ؛ بو حياتى مسئله يي ديكر بر تدقيقه موضوع
انتخاذايدميه جكنز .